



5

新選古今類腋卷之十

道德類二

誠實

廉靜

謀斷

節儉

出處

應變

誠實

蒙爻象曰。困蒙之吝。獨遠實也。○鼎爻象曰。鼎黃耳。中以為實也。

洛誥曰。予以多子。越御士。篤前人成烈。各其師。作

周孚先。以實 倡人

玉藻曰。顛實揚休。○表記曰。君子不以口譽人。則民



作忠。故君子問人之寒則衣之。問人之饑則食之。稱人之善則爵之。口惠而實不至。怨災及其身。是故君子與其有諾責也。寧有已怨。君子不以色親人。情踈而貌親。在小人則穿窬之盜也。歟。

史李廣傳斷曰。李將軍悛悛如鄙人。口不能道辭。及死之日。天下知與不知。皆為盡哀。彼其忠實心誠。信於士大夫也。諺曰。堯李不言。下自成蹊。此言雖小。可以喻大。

漢昔陳平智有餘。以見疑。周勃質朴忠。而見信。夫仁義不足以相懷。則智者以有餘為疑。而朴者以不足取信矣。○萬石君家以孝謹聞乎郡國。雖齊魯諸儒。質行皆自以為不及也。皇太后以為儒者文多質少。今萬石君家不言而躬行。乃以長子建為郎中令。少子慶為內史。

王良傳曰。宣秉王良。處位優重。而秉其疏薄。良妻荷薪。可謂行過乎儉。然當世咨其情。人君高其節。豈非臨之以誠。執語曰。同言而信。則信在言前。同令而行。則誠在令外。不其然乎。

古今類聚 卷一
三國葵霍之傾葉。太陽雖不為之回光。然向之誠也。晉虞預上言元帝曰。天道貴信。地道貴誠。誠信者。蓋二儀所以生植萬物。人君所以保乂黎蒸。是以殺伐擬於雷電。推恩象於雲雨。刑罰在於必信。慶賞貴於平均。

隋高祖美王伽詔曰。凡在有生。含靈稟性。咸知好惡。並識是非。若臨以至誠。明加勸導。則俗必從化。人皆遷善。

唐陸贄曰。秦皇嚴衛。雄猜而荆軻奮其陰計。光武岸

憤以待。而馬援輸其款誠。豈不以虛懷待人。人亦息附。任數御物。物終不親。

蕭撝傳論曰。君臣之道既篤。家國之情亦隆。金石不足比其心。山河不足盟其誓。

張燾對英宗曰。人主戡定禍亂。未有不出於至誠而能濟者。號令之發。不足以感人心。政事之施。未足以慰人望。由在我之誠有未脩也。

黃洽曰。居家不欺親。仕不欺君。仰不欺天。俯不欺人。幽不欺鬼神。何用求福耶。

上官均上宣仁太后曰。以誠待人。則人思竭忠。以疑
遇物。則人思苟免。

何郊對高宗曰。以誠待物。則物必應以誠。誠與疑。治
亂之本也。不可以一臣詐而疑衆臣。不可以一士詐
而疑衆士。

詹初曰。心實則事實。實而積之。積而滿之。則念念事
事皆無妄。夫是之謂充也。而誠其庶幾矣。

何鑄上高宗曰。夫心術不正。徇虛以采名。托名以規
利言。不由衷。而首尾嚮背。行險自售。而設意相傾者。

為事君之失。懷嶮巇之謀。行刻薄之政。輕佻不莊。慢
易無禮者。為行己之失。

元世祖赦詔曰。應天者惟以至誠。拯民者莫如實惠。
卮辭曰。至誠之道。通天人。貫古今。萬理之原。百行之
根。其存不易。其運不息。不易故有常。不息故無疆。
明楊慎璫語。見睫者不若身。歷。騰口者不若目。擊。

庶靜

賁爻曰。賁其趾。舍車而徒。象曰。舍車而徒。義弗乘也。
○艮彖曰。艮其背。不獲其身。行其庭。不見其人。

國風伐檀曰。不稼不穡。胡取禾三百廛兮。不狩不獵。胡瞻爾庭有縣貍兮。彼君子兮。不素餐兮。○國風考槃曰。考槃在澗。碩人之寬。獨寐寤言。永矢弗諼。○衡門曰。衡門之下。可以棲遲。泌之洋洋。可以樂饑。

左傳曰。夫富如布帛之有幅焉。為之制度。使無遷也。民生厚而用利。於是乎正德以幅之。使無黜媿。謂之幅利。利過則為敗。吾不敢貪多。所謂幅也。

胡傳曰。夫文子相三君。無衣帛之妾。無食粟之馬。無藏金玉。無重器備。則固忠於公室。而不顧其所食。

記曰。事君唯進而
易退則位者希矣
進而唯退則亂也
君子三揖而進一
辭而退以遠亂也

私邑也。

檀弓曰。齊大饑。黔敖為食於路。以待餓者而食之。有餓者蒙袂緝履。貿然來。黔敖左奉食。右執飲。曰。嗟來食。揚其目而視之。曰。予惟不食嗟來之食。以至於斯也。從而謝焉。終不食而死。○坊記曰。君子辭貴不辭賤。辭富不辭貧。則亂益亡。君子與其使食浮於人。寧使人浮於食。○儒行曰。儒有不隕獲於貧賤。不充詘於富貴。

家語曰。曾子敝衣而耕於魯。魯君聞之。而致邑焉。圃

辭不受。曰。吾聞受人施者常畏人。與人者常驕人。縱君有賜。不我驕也。吾豈能勿畏乎。

管子曰。禮義廉耻不立。人君無以自守也。全生之說勝則廉靜不立。

鮑焦衣弊膚見挈畚持蔬。遇子貢於道。子貢曰。吾子何以至於此也。鮑焦曰。天下之遺德教者衆矣。吾何以不至於此也。吾聞之。世不已知而行之不已者。爽行也。上不已用而干之不止者。是毀廉也。行爽廉毀。然且弗舍。惑於利者也。子貢曰。吾聞之。非其世者不

荀卿子曰。志意修則驕。富貴道義重則輕。王公

生其利。汗其君者。不履其土。非其世而持其蔬。詩曰。溥天之下。莫非王土。此誰有之哉。鮑焦曰。於戲。吾聞賢者重進而輕退。廉者易愧而輕死。於是棄而立槁於洛水之上。

淮南子曰。至人量腹而食。度形而衣。容身而游。適情而行。餘天下而不貪。委萬物而不利。○民無廉耻。不可治也。非脩禮義。廉耻不立。

新書曰。廉耻禮節以治君子。故有賜死而無僇辱。是以繫縛榜笞。髡削黥劓之罪。不及士大夫。以其離主

不遠也。今自王侯三公之貴，皆天子之所改容而禮之也。古天子之所謂伯父伯舅也。而今與衆庶徒隸同黥劓髡笞馮棄市之法，然則堂下不亡陞乎？被僇辱者不大迫乎？庶耻不行於大臣，無乃握重柄大官而有徒隸無耻之心乎？上設庶耻禮義以遇其臣，而群臣不以節行而報其上者，即非人類也。故化成俗定，則為人臣者主爾忘身，國爾忘家，公爾忘私，利不苟就，害不苟辟，唯義所在，在上之化也。故父兄之臣誠死宗廟，法度之臣誠死社稷，輔翼之臣誠死君

上。守衛捍敵之臣誠死城郭封境。故曰：聖人有金城者，此物此志也。彼且為我死，誠吾得與之俱生。彼且為我亡，故吾得與之俱存。彼將為我危，故吾得與之皆安。顧行而忘利，守節而服義，故可以託不御之權，可以寄五尺之孤。此厲廉恥，行禮義之所致也。說苑曰：君子雖窮，不處亡國之勢。雖貧，不受亂君之祿。

魯仲連傳曰：平原君以千金為連壽。連笑曰：所謂貴於天下之士者，為人排患釋難解紛亂而無取也。即

有取者。是商賈之士也。而連不忍為也。

屈原對漁父曰。新沐者必振衣。新浴者必彈冠。人誰能以身之察察。而受物之汶汶者乎。又安能以浩浩之白。而蒙世之溫蠖乎。楚詞作蒙世之塵埃。

趙良對商君曰。非其位而居之。曰貪位。非其名而有之。曰貪名。

漢楊雄解嘲曰。知玄知默。守道之極。爰清爰靜。守神之庭。惟寂惟寞。守德之宅。

逸民傳。或隱居以求其志。或曲避以全其道。或靜已。

以鎮其躁。或去危以圖其安。或垢俗以動其默。或疵物以激其清。故蒙耻之賓。屢黜不去其國。蹈海之節。千乘莫移其情。

仲長統述志篇曰。安神閨房。思老氏之玄虛。呼吸精和。求至人之彷彿。俯仰二儀。錯綜人物。彈南風之雅操。發清商之妙曲。逍遙一世之上。睥睨天地之間。不受當時之貴。永保壽命之期。如是則可以凌霄漢。出宇宙之外矣。

班嗣復桓譚書曰。漁釣於一壑。則萬物不奸其志。栖。

運於一立。則天下不易其樂。不結通人之用。不艱古字。驕君之餌。蕩然肆志。談者不得而名焉。故可貴也。光武詔求郭丹嗣子曰。孔子忍渴於盜泉之水。曾參回車於勝母之門。惡其名也。

章佚傳論曰。一言納賞。志士為之懷耻。受爵不讓。風人所與。歌章佚廷議戚援。自居全德。意者直有餘而廉不足也。審偽本乎其情耳。

蜀郤正釋譏語曰。狹屈氏之常醒。濁漁父之必醉。溷柳季之卑辱。褊夷叔之高懟。合不以得。違不以失。得

不克。詘失不憐。倅不樂前。以顧軒。不就後。以慮輕。不粥譽。以干澤。不辭愆。以就詘。何責之辭。何殮之卹。何枉之排。何直之入。

晉史論竹林七賢曰。其進也。撫俗同塵。不居名利。其退也。餐和履順。以保天真。棄彼榮華。則俯輕爵位。懷其道術。則顧蔑王公。

東晉玄居篇曰。夫進無險懼。而惟寂之務者。率其性也。兩可俱是。而舍彼趨此者。從其志也。蓋無為可以解天下之紛澹泊。可以救國家之急。當位者爭有所

窮陳策者言有不入。翟璜不能回西鄙之寇。平勃不能止如意之立。干木卧而秦師退。四皓翼而戚姬泣。何舍何執。何去何就。守分任性。惟天所授。鳥不假甲於龜。魚不假足於獸。何必笑孤竹之貧。而羨齊景之富。且能約其躬。則儋石之畜。以豐。苟肆其欲。則海陵之積不足。將研六籍以訓世。守寂泊以振俗。以太虛為廬。玄鑪為肆。神游莫競之林。心存無營之室。榮利不擾其覺。般憂不干其昧。捐夸者之所貪。收躁妄之所棄。雍聖籍之荒蕪。總群言於一致。

潘尼安身論曰。夫榮之所不能動者。則辱之所不能加也。利之所不能勸者。則害之所不能嬰也。譽之所不能益者。則毀之所不能損也。動則行乎至通之路。靜則入乎大順之門。泰則翔乎寥廓之宇。否則淪乎渾溟之泉。邪氣不能干其度。外物不能擾其神。哀樂不能變其守。死生不能易其真。而以造化為工匠。天地為陶鈞。各位為糟粕。勢利為埃塵。治其內而不飾其外。反諸已而不求諸人。

蕭統序淵明集曰。夫自衒自媒者。士女之醜行。不攸

不求者明達之用心。是以聖人韜光。賢人遁世。其故何也。含德之至。莫踰于道。親正之切。無重於身。故莊周垂釣於濠。伯成躬耕於野。或貨海東之藥草。或紡江南之落毛。譬彼鴛鴦。豈競鳶鷂之肉。猶斯雜縣。音懸說苑列鐘鼓之縣。蓋文仲奏鐘鼓祀鷄居。寧勞文仲之牲。○唐堯四海之主。而有汾陽之心。子晉天下之儲。而有洛濱之志。是以至人達士。因以晦迹。或懷瑾而謁帝。或被褐而負薪。鼓楫清潭。棄機漢曲。情不在于衆事。寄衆事以息情者也。

宋陸徽荐朱萬嗣表曰。冰心與貪流爭激。霜情與晚節彌茂。歷宰金山。家無寶鏤之飾。連組珠海。實靡瑋珥之珍。確確通用然守志不求聞達。實足以澄革污吏。洗鏡貪戾。

隋書世康與子弟書曰。志除三惑。心慎四知。以不貪而為寶。處膏脂而莫潤。

高祖詔稱彭城王曰。清規懋賞。與白雲俱潔。厭榮捨綬。以松竹為心。

李騫釋情賦。入成邨之舊宅。反觀津之故扉。乃曲肱

阮孝緒曰用德雖與
夷者不發德而後
道方感黃帝何無問
山林楊誠有曰於
雖之水不足洗其目
之耳後伐之粟不
足堪夷者之思
○聖世惟貴于錢
神後代不嫌于銅
與

而不悶信抱甕而無機且耕而食且蠶而衣恒一日
而自省亦三月而無違遊仁義之教覈採墳索之精
微誠因閑而養拙亦有樂於嘉肥子貢過衛見治圃者以甕吸水於河
因嘆曰何勞也吾教子為機可以一日而
數畦者人辭曰甚矣吾惡夫為機者也
潘好禮曰夫惡木垂陰志士不息盜泉飛溢廉夫不
飲

謀斷

宋隱逸傳松江漁父曰養志者忘形養形者忘利致
道者忘心心形俱忘其視軒冕猶塵芥耳

巽象曰巽在壯下喪其資斧言無決斷之具也貞凶○泰爻

曰用憑河果斷剛決也

大禹謨曰任賢勿貳去邪勿疑疑謀勿成○無稽之

言勿聽弗詢之謀勿庸○朕志先定詢謀僉同○周

官曰惟克果斷乃罔後艱

小雅皇華曰載馳載驅周爰咨謀○小旻曰謀之其

臧則具是遠謀之不臧則具是依我視謀猶伊于胡

底我龜既厭不我告猶謀夫孔多是用不集發言盈

庭誰敢執其咎如匪行邁謀是用不得于道

哀哉吾猶西元
氏之徒也
是任惟進言是
所任進言是爭
如彼樂言與道
謀是固不決于成

大雅瓜瓞曰爰始爰謀爰契我龜

左傳曰奕者舉棋不定不勝其隅○馮簡子能斷大事裨謀能謀於野則獲謀於邑則否鄭國將有諸侯之事子產乃與裨謀以適野使謀可否而告馮簡子使斷之

檀弓曰謀人之軍師敗則死之謀人之邦邑危則亡之

○表記曰得志則慎慮而後之否則孰慮而後之

國策趙武靈王語肥義曰夫有高世之功者必負違俗之累有獨智之慮者必被庶人之恐對曰臣聞之

疑事無功疑行無名論至德者不和於俗成大功者不謀於衆昔舜舞有苗而禹袒入裸國非以養欲而樂志也欲以論德而要功也愚者暗於成事智者見於未萌

陸賈曰懷異慮者不可以立計持兩端者不可以定威說死曰聖王之舉事必先諫之於謀慮而後考之於著龜白屋之士皆關其謀芻蕘之後咸盡其心故萬舉而無遺籌失策傳曰衆人之智可以測天兼聽獨斷惟在一人大謀之術也謀有二端上謀知命其

古今類用 卷一
次知事。知命者預見存亡禍福之原。早知盛衰興廢之始。防事之未萌。避難於無形。若此人者。居亂世則不害於其身。在太平之世。則必得天下之權。見事而知得失成敗之分。而究其所終極。故無敗業廢功。淮南子曰。耳目之察。不足以分物理。心意之論。不足以定是非。

史商君告秦孝曰。論至德者不和於俗。成大功者不謀於衆。故聖人苟可以疆國。不法其故。苟可以利民。不循其禮。

蒯通說韓信曰。夫聽者事之候也。計者事之機也。聽過計失。而能久安者鮮矣。聽不尖。一二者不可亂以言。計不失本末者。不可紛以辭。故知者決之斷也。疑者事之害也。審毫釐之小計。遺天下之大數。智誠知之。決弗能行者。百事之禍也。故曰。猛虎之猶豫。不若蜂蠆之致螫。騏驥之踟躕。不若鴛馬之安步。孟賁之狐疑。不如庸夫之必至也。雖有舜禹之智。吟而不言。不如瘖聵之指麾也。此言貴能行之。夫功者難成。而易敗。時者難值。而易失也。時乎時乎。不再來。

智者不危衆以舉事。仁者不違義以要功。
魏郭嘉對曹操曰。多謀少決。失在事後。策得輒行。應
變無窮。

鍾毓上魏明帝疏曰。策貴廟勝。功尚帷幄。不下殿堂
之上。而決勝千里之外。

晉武帝制曰。心屢移於衆口。事不定於己旨。○夫全
一人者。德之輕。拯天下者。功之大。

羊祜請平吳曰。夫適道之論。皆未應權。是故謀之雖
多。而決之欲獨。

慕容德請誅苻堅曰。昔鄧祁侯不納三甥之謀。終為
楚所滅。吳夫差違子胥之諫。取禍勾踐。前事之不忘。
後事之師也。語曰。當斷不斷。反受其亂。

唐文宗策士制曰。夷吾輕重之權。執輔於治。嚴尤底
定之策。孰叶於時。元凱之考課。何先。叔子之克平。何
務。惟此龜鑑。擇乎中庸。

宋史論曰。謀大事。決大疑。非疑定有立者。不能也。

趙瞻上英宗曰。英斷獨化。人主之至權也。審至權者
當主以天下之大公。揆以天下之正論。如是而後權

可一也。

崔與之告理宗曰。人主當收攬大權。悉歸獨斷者。必是非利害。卓有定見。而後獨斷以行之。大抵獨斷當以兼聽為先。倘不兼聽。其勢必至於偏聽。實為亂階。威令雖行於上。而權柄潛移於下矣。

南唐龔慎儀論劉鋹書曰。十戰而九勝。亦一敗之可憂。六奇而五中。則一失之何補。人自稱勝。國自見強。蓋揣于此而不揣于彼。經其成而不經其敗也。陳亮上寧宗曰。有非常之人。然後可以建非常之功。

而用常才。出常計。舉常事。以應之。不待智者而後知其無有濟也。

節儉

節彖曰。節亨。苦節不可貞。○大過象曰。用過乎儉。大禹謨曰。克儉于家。○太甲曰。慎乃儉德。

魏風葛履曰。糾糾葛履。可以履霜。摻摻音織女手。可以縫裳。

修德之大也

左傳御孫曰。儉。德之共也。○季文子無衣帛之妾。無食粟之馬。無藏金玉。無重器備。君子是以知文子之

忠於公室也。相三君而無私藏。可不謂忠乎。○閔公曰。衛文公大布之衣。大帛之冠。○叔向曰。子展儉而壹。

公羊傳曰。晉靈公無道。趙盾趨入。靈公望見再拜。盾出。公使勇士往殺之。勇士窺其戶。方食魚殮。勇士曰。子誠仁人也。為晉國重卿而食魚殮。見子之儉也。吾不忍殺子也。亦不可復見。遂自剄而死。

禮器曰。管仲鏤簋朱紘。山節藻梲。君子以為濫矣。晏平仲祀其先人。豚肩不掩豆。澣衣濯冠以朝。君子以

為隘矣。又雜記孔子曰。管仲鏤簋而朱紘。山節而藻梲。賢大夫也。而難為上也。晏平仲祀其先人。

豚肩不掩豆。賢大夫也。而難為下也。君子上不僭上。下不偪下。

孔子對哀公曰。即安其居。醜其衣服。卑其宮室。車不雕機器。不刻鏤。食不二味。以與民同利。

管子曰。故聖人之制事也。能節宮室。適車輿。以實藏。則國必富。位必尊矣。能適衣服。去玩好。以奉本。而用必瞻。身必安矣。○上已巧矣。而民不足於用者。其悅在玩好。農已勞矣。而天下饑者。其悅在珍玩。女已巧矣。而天下寒者。其悅在文綉。

說苑曰。孔子曰。中人之情。有餘則侈。不足則儉。無禁則淫。無度則失。縱欲則敗。飲食有量。衣服有節。宮室有度。畜聚有數。車噐有限。以防亂之源也。故夫度量不可不明也。善欲不可不聽也。

子華子曰。夫儉。聖人之寶也。所以御世之具也。三皇五帝之所留察也。○夫儉在內不在外。儉在我不在物也。心居中虛。以治五官。精氣動薄。神化回瀟。畜其所以出。而謹節其所受。然後神宇以定。而精不搖。其格物也。明其遇事也。剛此之謂儉。

齊丘子曰。儉於聽。可以養慮。儉於視。可以養神。儉於言。可以養氣。儉於私。可以獲富。儉於公。可以保貴。儉於門閹。可以無盜賊。儉於環衛。可以無叛亂。儉於職官。可以無奸邪。儉於嬪嬙。可以保壽命。儉於心。可以出死生。是知儉者。萬化之柄也。○君儉則臣知足。臣儉則士知足。士儉則民知足。民儉則天下知足。漢濟陰悼王傳論曰。晏子稱。人生厚而用利。於是乎正德以幅之。謂之幅利。言人情須節。以正其德。亦由布帛。須幅。以成其度焉。

古今類用 卷一
吳隱之傳論曰。處可欲之地。而能不改其操。享維錯之富。而家人不易其服。

江統曰。魯僖以躬儉節用。聲列雅頌。蚡胃以葦路藍縷。用張楚國。文子相魯。妾不衣帛。晏嬰相齊。鹿裘不

補。葦路柴車也。

梁賀琛曰。夫論至治者。必以惇素為先。正彫流之弊。莫有過儉朴者也。

出處

乾文言曰。樂則行之。憂則違之。○進退無恒。非離群

鴻漸于陸。其羽可回。為儀。令章可反。括囊無咎。無吝。大過。君子以戒立。不悞。過世。無問。

也。君子進德脩業。欲及時也。○君子以成德為行。日可見之行也。潛之為言也。隱而未見。行而未成。是以君子弗用也。○比象曰。比之自內。不自失也。○外比于賢。以從上也。○觀文曰。觀我生進退。○觀國之光。利用賓于王。象曰。觀國之光。尚賓也。○蠱文曰。不事王侯。高尚其事。○否象曰。君子以儉德避難。不可帶以祿。小雅白駒曰。爾公爾侯。逸豫無期。慎爾優游。勉爾遁思。

左傳曰。臣之祿。君實有焉。義則進。否則奉身而退。專

祿以周旋。糞也。○鳥能擇木。木豈能擇鳥。
少儀曰。事君者。量而后入。不入而后量。○儒行曰。懷
忠信以待舉。力行以待取。

家語孔子自衛將入晉。至河。聞趙簡子殺竇犢。鳴犢
及舜華。乃臨河而嘆曰。丘之不濟此命也。丘聞之。剡
胎殺夭。則麒麟不至其郊。竭澤而漁。則蛟龍不處其
淵。覆巢破卵。則鳳凰不翔其邑。鳥獸之於不義。尚知
避之。况於人乎。○夫道之不脩。是吾醜也。夫道既已
大脩而不用。是有國者之醜也。不容何病。不容然後

見君子。○子路問於孔子曰。由聞丈夫居世。不能有益
益於物。處貧賤之中。而不能屈節。以求伸。則不足以
論乎人之域矣。孔子曰。君子之行已。期於必達於已。
可以屈則屈。可以伸則伸。故屈節者。所以有待。求伸
者。所以及時。是以雖屈而不毀其節。志達而不犯於
義。

韓詩外傳曰。夫朝廷之士為祿。故入而不出。山林之
士為名。故往而不返。入而亦能出。往而亦能返。通移
有常。聖也。

劉子新論曰。翠歛翻于明丘之林。則解羽之患永脫。龜曳尾於暘谷之泥。則鑽灼之患不至。丹伏光於春山之底。則磨肌之患永絕。石亢體於玄圃之崑。則剖琢之憂不及。○窮巖曲岫之梓。檫生於積石。穎貫青天。根鑿黃泉。分條分葉。輪菌礫確。麒麟戲其下。鸚鵡游其顛。浮雲棲其側。清風激其間。終歲無毫釐之憂。免刀斧之害者。非與人有德也。能韜其質。故致全性也。踞側之榆。樵人采其條。匠者伐其柯。餘有尺葉。而為行人所折者。非與人有讐也。然而致寇者。形不隱。

也。周鷄斷尾。獲免犧牲。文王欲殺雄鷄。祭廟。其鷄知色。乃自斃其尾。恐神明不歆。遂山狙見巧。終必招害。楚王使由基射山狙。事由此言之。則免死。出處之理。亦可知矣。

無能子曰。欲於中。漁樵耕牧有心也。不欲於中。帝車侯服無心也。故聖人宜處則處。宜行則行。理安於獨善。則許由善卷不恥為匹夫。勢便於兼濟。則堯舜不辭為天子。其為無心一也。

史蔡澤說范雎曰。日中則移。月盈則虧。物盛則衰。天地之常數也。進退盈縮。與時變化。聖人之常道也。故

國有道則仕。國無道則隱。欲而不知止。失其所以欲。有而不知足。失其所以有。○功成不退。禍至於身。所謂信音而不能屈。往而不能返者也。

李斯別荀卿曰。詭莫大於卑賤。而卑莫甚於窮困。士處卑賤之位。困苦之地。非世而惡利。自託於無為。非士之情也。

太史公報任安書曰。士為知己者用。女為悅己者容。若僕大質已虧缺矣。雖才懷隋和。終不可以為榮。適足以發笑而自點耳。

賈誼吊屈原。鳳凰翔于千仞兮。覽德輝而下之。見細德之顯微兮。遙增翻逝而去之。

漢崔駰達旨曰。道無常稽。與時張弛。失仁為非。得義為是。君子通變。各審所履。故士或掩目而淵潛。或盟耳而山棲。或草耕而僅飽。或木茹而長饑。或重聘而不來。或屢黜而不去。或冒詢以干進。或望色而斯舉。或以役夫發夢於王公。或以漁父見兆於元龜。若夫紛濃塞路。凶虐播流。人有昏墊之厄。主有疇咨之憂。條垂蕭蔓。上下相求。於是賢人授手。援世之灾。昔堯

而翔霄。守空
與者如仰瑞于白
日。及泥塗者乃自
耀於清泉。春松
之葉不與秋菊
者芳。陸沉之羽不
與初。吟於梁。
得日。乃先梅。常先
曠。得日。乃後。桃乃
失者。

或擁帚。而先驅。

班固賓戲曰。蘇氏之璧。韞於荆石。隋侯之珠。藏於蚌
蛤。歷世莫視。不知其將含景耀。吐精華。曠千載而流
夜光也。應龍潛於潢汙。魚龜媒之。不覩其能奮靈德。
合風雲。超忽荒。而矚顛蒼也。故夫泥蟠而天飛者。應
龍之神也。先賤而後貴者。蘇隋之珍也。昔闇而久章
者。君子之真也。

李固與黃瓊書曰。不夷不惠。可否之間。聖賢居身之
所珍也。誠遂欲枕山棲谷。擬迹巢由。斯則可矣。若當

穆曰。時有薄而厚。施行有實而惠。用。

王遵曰。智者觀時。思變。賢者泥而不滓。

三國徐衆曰。蒼梧澆娶妻而美。讓於其兄。尾生篤信。
水至不去而死。直躬好直。證父攘羊。申鳴奉法。盡忠。

於君而執其父。申鳴將兵拒盜。以為既為君之臣。不得為父

之子。竟破賊。賊殺父。忠信直讓。此四行者。聖賢之所貴也。然不

貴蒼梧之讓。非讓道也。不取尾生之信。非信理也。不

許直躬之直。非直體也。不嘉申鳴之忠。非忠意也。

荀彧對曹操曰。夫事固有棄此取彼者。以大易小可

也。以安易危可也。權一時之勢。不患本之不固。不可也。

晉鄒譙對武帝曰。猛獸在田。荷戈而出。凡人能之。蜂蠱作於懷袖。勇夫為之驚駭。出於意外故也。

宋陳鮮之議曰。天可逃乎。而伊尹廢君。君可脅乎。而鬻拳見善。忠可愚乎。而箕子同仁。

宋王懿語王睿曰。天下之事。不可不密。應機務速。不可巧遲。

齊陸澄與王儉書曰。無體不可以一體求。屢遷不可

駢驥垂耳于坳牧。

鳴鶴戢翼于沃

他獲之者。固以馬

園固之。凡鳥外既

之下。乘也。及其整

尚簡。揮動。翻陵

房清。浮。顧。時。千

里。生。可。謂。其。信

于。六。駭。卦。象

鷄。火。之。禽。不。匿

影。于。丹。穴。以。華。之

晉稽康辭山濤薦書曰。達能兼善而不淪。窮則自得而無悶。故知堯舜之君世。許由之巖棲。子房之佐漢。接輿之行歌。其揆一也。故君子百行。殊塗而同致。循性而動。各適所安。故有居朝堂而不出。入山林而不返之論。

庾峻勸禮隱士曰。故有朝廷之士。必有山林之士。朝

廷之士。佐主成化。猶人之有股肱心膂。共為一體也。

山林之士。被褐懷玉。大止栖於丘園。高節出於衆庶。

彼其清劭。足以抑貪污。退讓足以息鄙事。在朝之臣

雖哀世難位。遊
物于海。海。遊。許
由。于。空。谷。鳥。道
之。智。祥。福。而。不。返
播。真。之。使。行。教。而
定。節。子。陵。閑。閑。于
志。越。仲。射。射。于。而
秦。巢。其。之。望。不
勝。丘。園。之。勢。况。得
之。氏。不。教。傳。者。之
事。榮。華。立。整
甘。足。括。括。志。在
一。世。之。外。者。卒。世
不。能。治。其。德。志。在
美。物。之。衣。者。一。物
不。能。傷。其。身。志。在
山。與。斯。高。白。馬。志
圓。傳。人。之。或。出。或

外。各。言。其。志。志。人
而。不。能。者。也。不。能。作
尼。以。是。公。輕。美。者
以。勇。息。美。由。亦。乎
○。君。子。當。乎。世。為
雲。中。之。豹。而。測。中
之。危。以。酣。信。而。不
周。以。物。也。君。子。當
亂。世。為。決。川。之。為。為
劫。之。之。信。能。其。為
而。不。避。也。是。也。步。山
與。民。同。患。當。其。其
可。而。已。太。公。選。用
之。勇。不。傳。于。二。錢
夫。子。房。亦。劉。之。策
不。如。方。回。老。人。侯
兩。翔。重。侯。之。功。不
定。于。一。密。星。堂

聞其風而悅之。將受爵者皆耻躬之不逮。斯山林之士。避寵之臣。所以為美也。先王嘉之。節雖離世。而德合於主。行雖詭朝。而功同於政。

袁峻謂范元琰曰。往者天地閉。賢人隱。今世路已清。子遁可乎。荅曰。周德雖興。夷齊不厭薇蕨。漢道方盛。黃綺無悶山林。為仁由己。何關人世。

宋隱送傳曰。夫獨往之人。皆稟偏介之性。不能摧志。屈道。借譽期通。若使值見信之主。逢時來之運。豈其放情江海。取逸丘樊。蓋不得已。而然故也。且巖壑閑

遠。水石清華。雖復崇門八襲。高城萬雉。莫不蓄壤開泉。髣髴林澤。故知松山桂渚。非止素玩碧澗。清潭翻成麗。矚掛冠東都。夫何難之有哉。

齊庾易辭臨川王餉麥曰。若道義內足。希微兩忘。藏景窮巖蔽。名愚谷。解桎梏於仁義。樂形神於天壤。則名教之外。別有風猷。故堯封有非聖之人。孔門謬鷄

黍之客。次則崇獨往之高節。重去就之虛名。激兢遠貪。與世為異。道有不申。行岑出澤。咸皆用宇宙而成心。借風雲以為戒。不然。與樵者之在山。何殊別哉。

飛泥泥早者異其
圖行方止動息殊
致。蒙社之宮屋
豈不去其國。歸海
之前。子乘莫移
其情。道隆利
以而隆。道行則
以而隆。蒙社之
實。百有清。初明
堂之氣。何能福
而。山。九。落。火。之
常。吳。弘。者。加。致
川。圭。叔。之。任。是。選
者。難。局。以。尋。常
之。地。味。道。以。代
為。梁。公。位。輝。而
鞋。依。是。世。為
樹。以。終。日。隆。清。象

樵採麋鹿之伍。終其解毛之衣。馳騁日月之車。得保自耕之祿。

齊宗測辭。魚腹侯贈遺曰。量腹而進。松木度形而衣。薜蘿。淡然已足。

陳馬樞曰。貴爵位者。以巢由為桎梏。愛山林者。以伊呂為管庫。束名實。則芻芥柱下之言。翫清虛。則糠粃席上之說。稽之篤論。亦各從其所好也。

梁江淹獄中書曰。上則隱於簾肆之間。即於巖石之下。次則結綬金馬之門。高議雲臺之上。次則虜南越。

之君。係單于之頸。俱啓丹冊。並圖青史。寧當爭分寸之末。競刀銖之利哉。

魏長賢復親故規責書曰。有負鼎俎以趨世。隱魚釣以待時。操築傅巖之下。取履圮橋之上者矣。有釋賃

重以匡伯業。委輓轡以定王基。由斬祛以見禮。因射鈎以受相者矣。有三黜不移。屈身以直道。九死不悔。甘心於苦節者矣。事雖萬殊。理則一致。權其大要。歸

於忠孝。孝則竭力所生。忠則致身所事。隋隱逸傳曰。洪崖兆其始。箕山扇其風。七人作乎周

古今類史 卷第 七

雲雷也。君子以從。子亦力之時也。其高小。貞去大貞也。

明夷彖曰。內文明而外柔順。以蒙大難。文王以之。利艱貞。晦其明也。內難而能正其志。箕子以之。○繫辭曰。一闔一闢。謂之變。往來不窮。謂之通。○旁行而不流。化而裁之。存乎變。推而行之。存乎通。○變通者。趨時者也。○易窮則變。變則通。通則久。○不可為典要。唯變所適。○巽以行權。左傳曰。變而不失其正。之謂權。常而不過於中之謂正。常者。道之正。變者。道之中。○賢者守其常。聖人盡其變。

家語曰。計不先定者。不可以應卒。

楚辭曰。聖人者。不疑滯於物。而能與世推移。

孫子曰。先發制人。後發制於人。

趙武靈王曰。聖人觀其鄉而順宜。因其事而制禮。所

以利其民。而厚其國也。是以鄉異而用變。事異而禮易。是故。聖人苟可以利其民。不一其用。果可以便其事。不同其禮。儒者一師。而禮異。中國同俗。而教離。故去就之變。智者不能一。遠近之服。聖賢不能同。窮鄉多異。曲學多辯。不知而不疑。異於已而不非者。公於

古今類聚 卷一
求善也。常人溺於習俗。學者沈於所聞。此兩者所以成官而順政也。非所以觀遠而論始也。智者作教。愚者制為。賢者議俗。不肖者拘為。夫制於服為上所制而服從者之民。不足與論心。拘於俗之衆。不足與致意。故勢與俗化。而禮與變俱。聖人之道也。知學之人。能與聞遷。達於禮之變。能與時化。故為已者不待人。制今者不達事之變。以書為御者。不盡馬之情。以古制今者。不

荀子曰。君子與時屈伸。柔從若蒲葦。非懾怯也。剛強

也。教靡所不信。音申非驕暴也。以義變應。知當曲直故

淮南子曰。蓼菜成行。瓶甕有珉。量粟而舂。歎米而炊。可以治家。而不可以治國。滌杯而食。洗爵而飲。浣而後饋。可以養家老。而不可以養三軍。○葛弘知天道。而不知人事。蘇秦知權謀。而不知禍福。徐偃王知仁義。而不知時。大夫種知忠。而不知謀。聖人則不然。論時而為之事。權事而為之謀。是以舒之天下而不究。內之尋常而不塞。○是故聖人者。能陰能陽。能弱能

強隨時而動靜。因資而立功。物對而知其反。事萌而察其變化。則為之象。運則為之應。是以終身行而無所困。○以一世之度。制治天下。譬猶客之乘舟。中流遺其紉。遽缺其舟。桅暮薄而求之。其不知物類亦甚矣。夫隨一隅之迹。而不知因天地以游。惑莫大焉。雖時有所合。然而不足貴也。○聖人者。隨時而舉事。因資而立功。濇則具權對。旱則修土龍。

劉子新論曰。無為以化三皇之時。法術以禦七雄之世。德義以柔中國之心。政刑以威四夷之性。故易貴隨時。禮尚從俗。適時而行也。霜風慘烈。局棄不執。木炎氣赫。曦曹明不製裘。知時不可也。買章甫者不造。閩越。衒赤烏者不入。跣狹。知俗不宜也。故救餓者以圓寸之珠。不如與之數椽。貽溺者以方尺之玉。不如與之短綆。非椽綆之貴。而珠玉之賤。然而美不要者。各在其所急也。庖丁解牛。適俗所傾。朱泚屠龍。無所用巧。苟乖世務。雖有妙術。歸於無用。故老聃至西戎。而效狹言。夏禹入裸國。忻然而解裳。非欲忘禮。隨俗宜也。墨子儉嗇。而非樂者。往見荆王。衣錦吹笙。非苟

違性隨時好也。

譚子曰。轉萬斛之舟者。由一尋之木。發千鈞之弩者。由一寸之機。

文中子曰。通其變。天下無弊法。執其方。天下無善教。故曰存乎其人。

史趙高語李斯曰。蓋聞聖人遷徙無常就。變通而從時。見末而知本。觀指而覩歸。物固有之。安得常法哉。故安可危也。危可安也。安危不定。何以貴聖。

蘇代說魏王曰。夫博之所以貴。梟者便則食。不便則

止。

商鞅答甘龍曰。常人安于故俗。學者溺於所聞。以此兩者居官守法可也。非所以論於法之外也。

漢宣帝曰。俗儒不達時宜。好是古非今。使人眩於名實。不知所守。

馮衍自論曰。大人之德。不碌碌如玉。落落如石。風興雲蒸。一龍一蛇。與道翱翔。與時變化。進退無主。屈伸無常。故曰。有法無法。因時為業。有度無度。與物趣舍。揚雄解嘲曰。有造蕭何律於唐虞之世。則諄矣。有作

叔孫通儀於夏殷之時則惑矣。有建婁敬之策於成周之世則繆矣。有談范蔡之說於金張許史之間則狂矣。夫蕭規曹隨。留侯畫策。陳平出奇。功若泰山。嚮若阨隤。雖其人之贍智哉。亦會其時之可為也。故為可為於可為之時。則後為不可為於不可為之時。則凶。

仲長統曰。魯連以一矢而解聊城之圍。虞卿以顧盼而周平原之急。○作有利於時。志有便於物者。可為也。事有垂於數。法有翫於時者。可改也。故行於古。有其迹。用於今。無其功者。不可不變。貴清靜者。以席上為腐議。束名實者。以柱下為誕辭。或推前王之風。可行於當年。有引救弊之規。宜流於長世。稽之論篤。將為敝矣。如以舟無推。陸之分。瑟非常調之音。不限局以疑遠。不拘玄以妨素。則化樞各管其極。理畧可得而言。

周章傳曰。孔子稱可與立。未可與權。權也者。反常者也。將從反常之事。必資非常之會。使夫舉無違妄。志行名全。周章身非負圖之託。德乏萬夫之望。王無絕

天之釁。地有既安之勢。而創慮於難圖。希功於理絕。

不已悖乎。時章欲立皇子勝廢太后降封安常而致

張衡應問曰。世易俗異。事勢舛殊。不能通其變。而一

度以揆之。斯鑿船而求劍。守株而伺兔也。昔有人船上失劍。水

中船行已去。故地乃鑿船而求之。只知船上失之。船上求之。不知船行已遠也。

崔寔改論曰。故聖人能與世推移。而俗士苦不知變。

以為結繩之約。可復理亂秦之緒。干戚之舞。足以解

平城之圍。夫熊經鳥伸。雖延歷之術。非傷寒之理。呼

吸吐納。雖度紀之道。非續骨之膏。

時矣。 輟 又濟民。今其時也。必待堯舜之君。此為志士。終無

王褒聖主得賢。臣頌曰。昔賢者之未遇也。圖事揆策。

則君不用其謀。陳見恟誠。則上不然其信。進仕不得

施效。斥逐又非其愆。是故伊尹勤於鼎俎。大公困於

鼓刀。百里自鬻。甯子飯牛。離此患也。及至遇明君。遭

聖主也。運籌合上意。諫諍則見聽。進退得關。其忠任

職得行。其術去卑辱。與渫而升。本朝離疏釋屬。而享

膏梁。剖符錫壤。而光祖考。傳之子孫。以資說士。故世

必有聖知之君。而後有賢明之臣。

胡廣論曰。懷祿以圖存者。士子之恒情。審能而就列者。出身之常體。夫紆於物則非已。直於志則化俗。辭其艱則乖義。徇其節則失身。統之方軌。易因險塗。難御。故昔人明慎於所受之分。逕回於岐路之間也。

王基薦管寧曰。龍鳳隱耀。應德而臻。明哲潛遁。俟時而動。是以鶩鶩鳴岐。周道興隆。四皓為佐。漢帝用康。晉王隱傳論曰。遭時則以功達其道。不遇則以言達其才。

以一遷執

北史論梁昕皇甫璠等曰。能剛能柔。重可負也。能信能順。險可走也。能智能愚。期可久也。○夫皇王迭興。為國之道。匪一。賢聖間出。立德之指。殊塗斯豈。故為相反哉。亦云治而已矣。何則。五等之制。行於商周之前。郡縣之設。始於秦漢之後。論時則澆淳理隔。易地則用舍或殊。譬猶干戈日用。難以成垓下之業。稷嗣圻述。不可施成周之朝。是知因時制宜者。為政之上務也。觀民立教者。經國之長策也。

唐尉遲敬德曰。處事有疑。非智也。臨難不決。非勇也。長孫無忌勸秦王先發曰。舜為子孝。浚井弗出。得為孝乎。其為君仁。塗廩弗下。得為仁乎。就大論者。遺細行。應變之道也。

德宗與猷瓜果者官。陸贄諫曰。立國惟義與權。誘人惟名與利。名近虛。於教為重。利近實。於德為輕。凡所以載是非。立法制。則存乎其義。參虛實。揣輕重。則存乎其權。專實利而不濟之以虛。則物有匱耗而不給矣。專虛名而不副之以實。則情有誕謾而不起矣。夫

錫貨財。列凜秩。以彰實也。差品列。異章服。以飾虛也。君上者。達其變。相頌以為表裏。則為國之權得矣。蘇洵曰。聖人無權。則無以成天下之務。無機。則無以濟萬世之功。後世見三代取天下以仁義。而守之以禮樂。則曰。聖人無機。夫取天下與守天下。無機不能。顧三代聖人之機。不若後世之詐。故後世不得見其有機也。夫君子為善之心。與小人為惡之心。一也。君子有機。以成其善。小人有機。以成其惡。有機也。雖惡亦或濟。無權也。雖善亦罔克。○天下之勢有強弱。聖

人審其勢而應之以權。勢強矣。強甚而不已。則折。勢弱矣。弱甚而不已。則屈。聖人權之。而使其甚不至於折與屈者。威與惠也。夫強甚者。威竭而不振。弱甚者。惠襲而下。不以為德。故處弱者。利用威。而處強者。利用惠。乘強之威以行惠。則惠尊。乘弱之惠以養威。則威發。而天下震慄。故惠與威者。所以裁節天下強弱之勢也。

明劉基擬連珠曰。方石不可以為磨。直木不可以為輪。故至情有時而當隱。正論有時而不陳。是以明真利真。箕子以之處已。危行言遜。尼父以之誨人。○時未至。不可以強爭。勢方來。不可以力戢。是以善撲火者。不迎其烟。善防水者。不當其急。○陰陽之用。妙道所憑。剛柔之變。鬼神所蟄。故陽有闔而陰有開。剛可責而柔可立。是以玄冥凜冽。而水結成冰。赤溼熇炎。而金流為汗。

拯溺不規行。療饑不躬食。○尺蠖嘗極屈。奮呼而操。螭後手過。蚺蝮變色而却步。○火將逼而自投于水。知必不免。且貴其緩。虎將噬而自投於谷。知必不可。或與其生。○仲尼旅人。文王明夷。尚

非其時。至賤位。眉。夫玄尤。迎。多。列。海。空。名。者。辨。亦。有。也。海。亦。列。
 海。亦。有。潛。端。隱。矣。也。



